



XAFIISKA QARAMADA MIDOBAY U QAABILSAN KAALMAYNTA SOOMAALIYA (UNSOM)

Faafin Dedeg ah

WARSAXAAFADEED 31/2014

Ergeyga Gaarka ah ee Qaramada Midoobay u Qaabilsan Soomaaliya oo cambaareeyay weerarki lala beegsaday Baarlamaanka.

Muqdisho, 5 July 2014 - Ergeyga Gaarka ah ee Xoghayaha Guud ee Qaramada Midoobay u Qaabilsan Soomaaliya (SRSG), Nicholas Kay ayaa cambaareeyay weerarki lala beegsaday Baarlamaanka Soomaaliya iyo dilalka badan ee ay sheegatay Alshabaab tan iyo marki ay bilaabatay bisha barakeysan ee Ramadaan.

“Waxaan cambaareynayaa weerarki fashilmay ee saakay lala beegsaday Baarlamaanka Federaalka Soomaaliyeed. Waxaan bogaadinayaa geesnimada ay muujiyeen xoogaga amaanka kuwaas oo naftooda u waayey ka hor tagga argagixisada. Alshabaab waxay dadka Soomaaliyeed u adegsadeen bambaanooyin, dilal qorsheysan iyo argagax gelin ay ka fuliyeen Muqdisho gudeheeda tan iyo markii ay bilaabatay bisha barakeysan ee Ramadaan oo ah bil cibaado iyo nabad. Waxaan ugu baaqayaa dhamaan dadka Soomaaliyeed in ay midoobaan oo ay la shaqeeyaan hay’adaha dowlada si looga hor tago weeraro kale iyo si cadaalada loo hor keeno kuwii ka dambeeyay ololahan waxashnimada ah ” ayuu yiri SRSG Kay.

“Qaramada Midoobay waxay si dhow ugala shaqeyneysaa dadka Soomaaliyeed sidii loo dhisi lahaa nabad iyo dowlad cusub oo shaqeyso. Waxaan si buuxda ula shaqeyneynaa Dowlada Federaalka, AMISOM iyo Jaallayaasha Caalamka si loo dhiso ciidanka amaanka qaranka Soomaaliyeed oo xoog leh si ay u ilaaliyaan uguna adeegaan dhamaan dadka Soomaaliyeed” ayuu raaciyay.

SRSG Kay ayaa tacsii kal iyo laab ah u diray qooyasaskii iyo asaxaabtii dadka geeryooday. Sidoo kale wuxuu tacsii u diray Baarlamaanka Fadaraalka Soomaaliyeed, wuxuuna u rajeeyay intii dhaawacantay in ay dhakhso u bogsoodaan.

Dhamaad.